


Festa de Sant'Arrosa



**Lunis 3, martis 4 e
mèrcuris 5 de
cabudanni 2012**

Lunis 3 de cabudanni: a is dexi, a càbudu de cena, nc'ant a èssiri su cuntzertu de is "DROMOS QUARTET" chi ant a torrai a bogai a pillu mùsica e cantzonis de De Andrè, de Rino Gaetano, Caposela e Gaber. In prus, ònnia tanti s'at a podi baddai puru su ballu sardu cun su sonadori Michele Trudu.

Martis 4 de cabudanni: a is dexi e mesu de mangianu nc'at a èssiri sa prucedioni po is rugas de sa bidda cun sa cunfraria "Madonna del Rosario" de Baressa impari a sa mùsica de su sonadori Michele Trudu. Ant a sighiri missa e ballu de crèsia.

A merii, a is dexi, CANTAUTORI ITALINI in cuntzertu e, ònnia tanti, s'at a podi baddai puru su ballu sardu cun su sonadori Michele Trudu.

Mèrcuris 5 de cabudanni: facioras de is ses de merii prucedioni po is rugas de sa bidda cun sa cunfraria "Madonna del

Rosario" de Baressa e a s'acabu missa in crèsia.

Mèrcuris 5 de cabudanni Orchestra Spettacolo Enea Saderi.

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmini, su sangunau e "bollu arriciri *Novas baressesas*".

In prus, s'at podi ligi puru in su giassu internet de su comunu www.comune.baressa.or.it in sa setzioni de sa lingua sarda o agatai in medas atividadis comercialis de sa bidda o in sa biblioteca comunali



Sa redatzioni de *Novas Baressesas* est contivigiada de su Servìtziu linguìsticu sardu e de s'Assesorau a sa Cultura de su Comune de Baressa.

S'isportellu linguìsticu est a disponimentu de tzitadinus, maistus de iscola, professoris e istudentis po cali si siat informatzioni, fundamentu, duda, crosidadadi, bibliografia, sitografia asuba de sa lingua sarda, po consulèntzias didàticas e po contzillus chi pertocant is arrègulas de iscritura de su sardu.

Su Servìtziu in cabudanni at a essi abertu:

	de	a
Ònnia Mèrcuris	10.40	15.10



Comunu de Baressa
Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Follu periòdicu de informatzioni istitutzionali de su Comune de Baressa

**Responsabilidadi e proprietadi de su
Comunu de Baressa (or)**

Annu II, n. 7

Acabbau su 29 de austu de su 2012

Cun santus e cun macus non tocat a brullai

Iscòla tzìvica de mùsica

Si avisant totus is Baressesus ca de **lunis 20 de Austu a giòbia 20 de cabudanni 2012** si podint fàiri is iscriduras a s'iscòla tzìvica de mùsica po s'annu 2012-2013.

Is letzionis ant a incumentzai **lunis 5 de Donniasantu 2012 e ant a acabai in su mesi de làmpadas 2013.**

Po s'iscriri tocat a cumpilai su mollu de iscrizioni fatu a posta de s'iscòla tzìvica de mùsica chi si agatat in comunu, in s'ufitziu sotziali.

Isceti apustis de ai pagau e de ai portau in su pròpiu comunu s'arricida, s'at a podi scioberai



s'oràriu de is letzionis chi s'ant a fàiri in sa matessi dii de ocannu passau. Po is cursus chi non funt istaus mai fatus, prima de

pagai tocat a abetai unu avisu de s'iscòla chi at a detzidi chi fàiri partiri su cursu o no e in cali comunus s'at a fàiri.

Is cursus ant a podi èssiri:

- De propedèutica (25 letzionis de un'ora po gruppu) € 100;
- De istrumentu musicali - orientamentu culturali - (25 letzionis a s'annu de istrumentu po mes'ora a onniunu + 25

letzionis a s'annu de teoria e solfègiu de un'ora po grupu) € 150;

- De istrumentu professionali (25 letzioni de un'ora a s'annu po onniunu + 25 a s'annu de teoria e solfègiu de grupu) € 270;
- Cantu in coru po pipius (25 letzionis a s'annu de duas oras + 25 letzionis a s'annu de teoria e solfègiu po grupu) € 100.

At a tocai a pagai sa primu parti candu unu s'iscrit e sa segunda aintru de su mesi de idas 2012).

Is letzionis non s'ant a fàiri candu in su comunu non si fait iscola: po Paschixedda, Pasca manna etc...). Chi invècias est su maistu chi ammancat, s'at a arrecuperai sa letzioni.

Sa presèntzia de s'iscienti a letzioni est unu òbrigu in totus is cursus. Chi unu iscienti amancat ddu depit nai a su maistu e depit giustificai s'amancu, ma non nc'est obrigu perunu po su maistu de dda arrecuperai.

Chi amancat cuatru bortas sena giustificai benit bogau de su cursu po ai pigau parti a pagu letzionis e su dinai no benit torrau.

A s'acabu de s'annu iscolàsticu s'ant a apariciai is sàgius de istrumentu musicali e cantus po ammostai ita s'est imparau.



Si precisat ca non s'ant a fàiri iscontus a is familias e nimancu a is isciantis chi pigant parti a prus de unu cursu.

Su dinai s'at a torrai isceti chi su cursu iscioberau no s'at a fàiri.



Cuntzertu de s'iscòla tzìvica de mùsica

Si avisant totu is baressesus ca sàbudu 22 de cabudanni 2012 nc'at a èssiri un cuntzertu apariciau de s'iscòla tzìvica de mùsica. Su cuntzertu s'at a fàiri in sa crèsia de Santu Girorgi in Baressa facioras de is seti de merii (ore 19.00). Ant a sonai Massimiliano Coni (sa trumba) e Gianluca Frau (s'òrganu).



Atenzioni! Est acanta a iscadiri su tempus a disponimentu de is siendas o de is artesanus po presentai sa domanda e podi ponni in is diis de sa Festa de sa Mèndula unu stand e ammostai is traballus o is cosas chi si produxint. Su mollu andat portau in Comunu, ufitziu Cultura, aintru de su 31 austu 2012